

# Ният амаллар пойдеворидир



НИЯТ АМАЛЛАР ПОЙДЕВОРИДИР

14:08 / 18.09.2023 1168

«Ният» арабча сўз. Ўзбекчада «мақсад», «ўй», «мўлжал», «ўйлаб қўйилган иш» маъноларини англатади. Истилоҳда эса ниятга Муҳаммад Амин ибн Обидин раҳматуллоҳи алайҳ «Раддул Мухтор» китобида қўйидагича таъриф берган: «Ният бирор амални бажаришда Аллоҳ таолога яқинликни ҳосил қилиш ва тоатни қасд қилишдир».

Уламонинг аксари ниятнинг ўрни қалб эканига иттифоқ қилган. Лекин ўша ниятни тил билан изҳор қилиб қўйишни маъқул санаганлар.

Улар амалларга киришишдан олдин ният қилишнинг бир неча ҳикматларини қўйидагича баён қиласилар: «Ниятнинг ҳикмати шуки, у билан ибодатларни одатда қилинадиган амаллардан ажратиш, ибодатларнинг баъзиларини бошқаларидан фарқлаш, Аллоҳ учун бўладиган амалларни бошқалар учун бўладиганларидан ажратишдир». Масалан, овқат емаслик парҳез учун бўлиши ҳам мумкин ёки рўза учун бўлиши ҳам мумкин. Ана шу икки амалнинг орасини ният ажратиб беради.

Ният қалбнинг иши бўлиб, уни Аллоҳ таолодан ўзга ҳеч ким билмайди. Ниятнинг яхши-ёмонлигига қараб, мукофот ёки жазо берилади. Чунки амаллар ниятга боғлиқ бўлади.

يَلْعُهْ لِلَّا لِلَّصَهْ لَلَّا لُوسَرْ تْعَمَسْ لَاقْ هَنَعْ هَلَلَ اَيْضَرْ بَطْحَلَ اَنَبْ رَمَعْ نَعْ تَأَيَّنَلَابْ لَامْعَلَ اَمَنِإْ لُوقَيْ مَلَسَوْ

Умар ибн Хаттоб розияллоху анҳудан ривоят қилинади:  
«Расулуллоҳ соллаллоҳу алайҳи васалламдан эшиитдим: «Амаллар ниятга қараб баҳоланади», дедилар».

Ҳар қандай амалнинг зоҳири ва ботини мавжуд. Амалнинг зоҳири Аллоҳ ва Расулиниңг шариъатига мувофиқ бўлса, ўша амал тӯғри бўлади. Агар амалнинг зоҳири шариъатга хилоф бўлса, бу амал бекор бўлади. Амалнинг ботини эса, қасд ва ният ҳисобланади. Аллоҳ таоло берадиган мукофотлар ҳам айнан ўша ботинга асосланган бўлади.

نِ إِلَّا " : مَلَسَوْه يَلْعُه لِلَّا لِلَّصَهْ لَلَّا لُوسَرْ لَاقْ : لَاقْ ، رِيشَبْ نَبْ نَامْعَنْ لَهْ نَعْ الْأُهْ لُكْ دَسَجْ لَادَسَفْ تَدَسَفْ أَذِإِوْ ، لُكْ دَسَجْ لَاحْلَصْ تَحْلَصْ أَذِإِهْ عَصْمَ دَسَجْ لَا يَفْ بْلَقْ لَهْ وْ ...

Нўймон ибн Башир розияллоҳу анҳудан ривоят қилинади:  
«Расулуллоҳ соллаллоҳу алайҳи васаллам айтдилар: «...Огоҳ бўлинг! Тананиңг ичида бир парча гўшт бор. Агар у соғлом бўлса бутун тана соғлом бўлади. Агар у яроқсиз бўлса, тананиңг ҳаммаси яроқсиз бўлади. Билингки, у - қалбдир...», деб ҳар нарсаниңг аввалида қалб ва ундаги ният туришига урғу берганлар.  
(Бухорий ривояти).

Шунинг учун ҳам ният амалнинг рухи ҳисобланади. Мусулмонларнинг бир-бирига ниятингни тӯғрила, ниятни холис Аллоҳ учун қил, деб эслатишлари ҳам бежиз эмас. Чунки ботин тӯғри бўлса, зоҳир ҳам тӯғри бўлади. Ботини ҳам, зоҳири ҳам тӯғри бўлган амал эса, Аллоҳнинг розилигига сабаб бўлади. Аллоҳнинг розилиги сабабли икки дунё саодатига эришилади.

Одамларнинг нияти ҳар хил бўлади. Баъзилар Аллоҳнинг азобидан қўрққанидан ибодат қиласиди. Яна бир тоифа Аллоҳнинг раҳматидан умид қилиб амал қиласиди. Бу иккаласидан ҳам юқори турувчи тоифа эса

Аллоҳнинг тоатга, ибодатга лойик, улуғ Зот экани учун ибодат қиласи. Бу ниятларнинг энг улуғи ва кучлиси. Дунёга рағбат қўйган кишиларнинг бундай ният қилиши у ёқда турсин, уни тушуниш ҳам осон эмас. Бу мақомга эришган инсон Аллоҳга бўлган муҳаббати сабабли Раббисини зикр қилишдан ва Унинг улуғлиги тўғрисида тафаккур қилишдан ортмайди. Ниятсиз бўлган амал гўё қилинмагани каби эътиборсизdir. Ихлоссиз ният эса, риёning алматидир. Аллоҳга ибодат қилишни хоҳлаган ҳар бир банда, энг аввало, ният нима эканини билиб олиши керак. Сўнгра нияти билан ихлос ва амални бирлаштириб, нажот томон интилиши зарур. Шундагина унинг амаллари охиратда фойда беради.

Инсон учун берилган неъматлар бисёр. Шулардан бири азиз умримизdir. Аммо бир марта бериладиган бу омонат умрни қандай сарфлаётганимиз билан бир-бирамиздан фарқланамиз ва Яратган ҳузурида даража топамиз. Расулуллоҳ соллаллоҳу алайҳи васаллам: «Умматимни ўртача ёши 60 билан 70 орасидадир...»-деганлар.  
(Термизий ривояти).

Ҳа, жуда қисқа бир фурсат!

Тадқиқотчи олимлар фикрича, агар инсон 70 йил умр қўрса, ўртача куйидаги жадвалда келтирилган амалларни бажаришга вақти сарфланар экан.

Амаллар Бир кунда сарфлайдиган

вақт 70 йилда сарфлайдиган

вақт

Уйқу 6 соат 17.5 йил

Таом 1 соат 3 йил

Хожат ва ҳаммом 30 дақиқа 1.5 йил

Иш 8 соат 23 йил

Жами 15.5 соат 45.5 йил

Аммо яратган Аллоҳнинг фазли ила шу қисқа умрни ният ва ихлосли амалларимиз ила зиёда қилиш имкони бор. Бу эса номаи аъмолимизга «ибодат» дея ёзилиши учун улкан имконятдир.

Абу Кабша ал-Анморий розияллоҳу анҳудан ривоят қилинади:  
«Расулуллоҳ соллаллоҳу алайҳи васаллам: «...Албатта, дунё тўрт  
кишиникидир:

- 1) Аллоҳ таоло бир бандасига мол-дунё ҳамда илм берган бўлса, у киши Раббисига тақво қилиб, қариндошлари билан алоқаларини боғласа ва бу топган мол-дунёсида Аллоҳнинг ҳаққи борлигини билса, шу киши энг афзal мақомдадир.
- 2) Аллоҳ таоло бир бандасига илм берган бўлса-ю, мол-дунё бермаган бўлса, аммо бу кишининг нияти холис бўлиб, агар менда ҳам мол-дунё бўлганида эди, фалончи киши каби яхшиликлар қилар эдим деб айтса, бу қилган нияти или юқоридаги биринчи киши билан савоби тенгdir.
- 3) Аллоҳ бир бандасига мол-дунё берган бўлса-ю, аммо илм бермаган бўлса, у киши молни андишасиз, пала-партиш ишлатиб, Раббисига тақво қилмасдан, қариндошлик алоқаларини узиб ва бу топган молида Аллоҳнинг ҳаққи борлигини билмаса, шу киши энг ёмон мақомдадир.
- 4) Аллоҳ таоло бир бандасига мол-дунё ҳам, илм ҳам бермаган бўлса, бу киши: “Агар менинг мол-дунёйим бўлганида, фалон киши каби (яъни учинчи кишидек) ишлатар эдим”, деб айтса, бу киши мана шу нияти билан учинчи шахс каби гуноҳи тенгdir”, дедилар” (Имом Термизий ривояти).

Хулоса ўрнида шуни айтишимиз мумкинки, амалларнинг қабул бўлиши, албатта, ниятга боғлиқdir. Ҳар ишимизда ва ҳар онда яхши ниятлар қилиб, шулар асосида ҳаёт кечириш барчамизга насиб этсин.

### **Жалолиддин домла Ҳамроқулов**

Ушбу мақола Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2023 йил 7 сентябрдаги 03-07/7119-рақамли хулосаси асосида тайёрланди.